

Na osnovu člana 6. Zakona o prometu eksplozivnih materija i zapaljivih tečnosti i gasova ("Službeni list BiH", broj: 39/89 i 36/90) te odredbi Zakona o zaštiti od požara i vatrogastvu ("Službene novine Federacije BiH", broj: 64/09) i Zakona o zaštiti od požara i vatrogastvu ("Službene novine Zeničko-dobojskog kantona", broj 05/11), na 22. sjednici Upravnog odbora Javne ustanove Bosansko narodno pozorište Zenica, dana 20. 7. 2020. godine d o n o s i:

## **P R A V I L N I K O R U K O V A N J U Z A P A L J I V I M TEČNOSTIMA I PLINOVIMA U PROMETU**

### **Član 1.**

Pravilnikom o rukovanju zapaljivim tečnostima i plinovima (u daljem tekstu: *Pravilnik*), utvrđenim zakonom, uređuju se međusobna prava, obaveze i odgovornosti radnika, koji rukuju zapaljivim tečnostima i plinovima, a sve u cilju obezbjeđenja uslova da se poslovi obavljaju bez opasnosti od nesreća i bez opasnosti po život i zdravlje radnika Javne ustanove Bosansko narodno pozorište Zenica (u daljem tekstu: *Pozorište Zenica*).

### **Član 2.**

Ovim Pravilnikom utvrđuje se slijedeće:

- a) prava i obaveze Pozorišta Zenica,
- b) prava, obaveze i odgovornosti radnika koji rukuju zapaljivim tečnostima i plinovima,
- c) obučavanje radnika iz oblasti zapaljivih tečnosti i plinova,
- d) provjera stručnog znanja iz oblasti zapaljivih tečnosti i plinova i
- e) organizacija i način rada sa zapaljivim tečnostima.

### **Član 3.**

Odredbe ovog Pravilnika se odnose i primjenjuju na lica koja su u radnom odnosu u Pozorištu Zenica, na određeno ili neodređeno vrijeme, kao i na lica koja se nalaze na stručnom osposobljavanju, a dolaze u kontakt ili rukuju zapaljivim tečnostima i plinovima.

### **Član 4.**

Poslovi u rukovanju sa zapaljivim tečnostima i plinovima moraju biti organizovani, tako da svi radnici uz normalnu pažnju mogu da rade bez opasnosti po svoje zdravlje i svoj život. Sprovedenjem odredbi ovog Pravilnika, postiže se spriječavanje nesreća, povreda i narušavanja zdravlja radnika prilikom rada na radnom mjestu.

### **Član 5.**

Radnik, koji prilikom rukovanja sa zapaljivim tečnostima i plinovima se ne pridržava propisanih odredbi, mjera zaštite na radu, uputstava za bezbjedan rad ili na drugi način krši propise iz oblasti rukovanja zapaljivim tečnostima i plinovima, propisane Pravilnikom i zakonom, čini težu povredu radne obaveze.

Postupak za utvrđivanje povrede propisanih obaveza ovim Pravilnikom, vođenje postupaka i izricanja mjera vrši se prema odredbama važećih normativnih akata Pozorišta Zenica.

**Član 6.**

Pozorište Zenica je obavezno naročito da:

- a) organizuje proces rada, kojim se osigurava bezbjednost prilikom rukovanja zapaljivim tečnostima i plinovima, kao i da štiti i unapređuje, proces rada, radnu i životnu sredinu,
- b) obezbjedi obučavanje i provjeru znanja radnika, koji rukuju zapaljivim tečnostima i plinovima za bezbjedan rad na radnom mjestu,
- c) obezbjedi prostor za skladištenje i čuvanje zapaljivih tečnosti i plinova, opremljen u skladu sa propisima iz ove oblasti,
- d) omogući sprovođenje zakona, ovog Pravilnika i drugih važećih propisa,
- e) u toku rada poduzima mjere, koje imaju za cilj veću sigurnost radnika na radu,
- f) na vidnim mjestima, u prostorima gdje se vrši skladištenje, čuvanje i korištenje zapaljivih tečnosti i plinova istakne natpise o zabrani: pušenja, otvorenog plamena, alata koji varniči, zavarivačkih radova i
- g) provodi i druge mjere zaštite u skladu sa odredbama važećih zakona.

**Član 7.**

Pozorište Zenica je dužno omogućiti radniku da se upozna sa propisima iz oblasti rukovanja zapaljivim tečnostima i plinovima, prije stupanja radnika na ove poslove.

**Član 8.**

Ovim Pravilnikom takođe se uređuju se uslovi i način provjere stručnog znanja radnika, koji mogu rukovati zapaljivim tečnostima i plinovima u vršenju poslova čuvanja i korištenja.

**Član 9.**

Program obuke radnika iz oblasti rukovanja zapaljivim tečnostima i plinovima, obezbjeđuje stručno upoznavanje radnika sa neposrednom opasnosti, štetnosti, posljedicama i mjerama zaštite na radu u konkretnoj radnoj sredini, odnosno radnom mjestu.

**Član 10.**

Radnici, koji se osposobljavaju za navedene poslove moraju ispunjavati određene uslove:

- a) da su punoljetni,
- b) da su zdravstveno sposobni,
- c) da imaju potrebnu stručnu spremu.

**Član 11.**

Program obrazovanja za radnike koji rukuju sa zapaljivim tečnostima i plinovima izrađen je na osnovu odredbi iz Pravilnika o stručnoj spremi i načinu provjere stručnog znanja lica koja mogu rukovati eksplozivnim materijama i lica koja mogu rukovati zapaljivim tečnostima i plinovima u prometu ("Sl. lista SRBiH", br. 15/78), odredbi iz Zakona o zaštiti od požara i Pravilnika o zaštiti od požara pravnih subjekata i prilagođen je djelatnosti, vrsti poslova i karakteristikama procesa koji se odvija u radnoj sredini poslodavaca.

**Član 12.**

Obučavanje radnika izvršiti će se usmenim putem, tj. predavanjima od strane stručnih lica. Radnici će takođe dobiti pisani materijal-skriptu, koja obrađuje nužne propisane teme. O navedenoj obuci radnika vodi se Dnevnik rada.



**Član 13.**

Nakon izvršene obuke izvršiti će se provjera stečenog znanja radnika putem Komisije, koju predlaže direktor Pozorišta Zenica, uz potrebnu pismenu saglasnost MUP ZDK.

**Član 14.**

Provjera će se izvršiti pismenim i usmenim testiranjem radnika.  
O izvršenoj provjeri znanja radnika, voditi će se propisana evidencija i sačiniti zapisnik.

**Član 15.**

Radniku (kandidat) koji je ocijenjen sa "zadovoljio" izdat će se odgovarajuća POTVRDA, čime radnik tiče pravo da rukuje zapaljivim tečnostima i plinovima.

**Član 16.**

Čuvanje zapaljivih tečnosti i plinova vršiti samo na propisanim mjestima, u skladu sa propisima iz ove oblasti.  
Korištenje zapaljivih tečnosti i plinova vršiti samo na propisanim mjestima, u skladu sa propisima iz ove oblasti.

**Član 17.**

Skladišta i radne prostorije a zapaljive tečnosti i plinove, moraju biti locirana, izgrađena i uređena prema važećim propisima iz ove oblasti, a isto se posebno odnosi na prostore slikarnice, bravarije i šminkera/vlasuljarnice.

**Član 18.**

Za pitanja, koja nisu regulisana odredbama ovog Pravilnika, primjenjivat će se odredbe Pravilnika o stručnoj spremi i načinu provjere stručnog znanja lica koja mogu rukovati zapaljivim tečnostima i plinovima u prometu (Sl. list SR BiH 15/78).

**Član 19.**

Izmjene i dopune ovog Pravilnika vršit će se na način i po postupku predviđenom za njegovo donošenje.

**Član 20.**

Ovaj Pravilnik stupa na snagu danom usvajanja od strane Upravnog odbora Pozorišta Zenica.



**UPRAVNI ODBOR**  
**Javna ustanova Bosansko narodno pozorište Zenica**

\_\_\_\_\_  
prof. Milenko Karović, predsjednik

Zenica, 20. 7. 2020. godine  
Broj: 501/20